


# 天文全圖

開縣志

圖考

天文全圖






揚元



開縣志

開縣地入軫張分野圖

圖考






參宿分野圖

按天文誌開亦兼參之宿在秦之分野

開  
縣

圖  
考



三

三  
以  
千  
計



開縣志

分野

自軫十七度至張十八度為鶉首之次於辰為  
午

天文誌兼參之宿亦秦之分野



開縣志

建置

唐虞

夏荆梁二州域

周屬雍州古魚復國地

春秋庸地庸滅為巴子國地

戰國同

秦胸臆縣屬巴郡

漢分屬永陵郡建安中置漢豐縣屬巴東郡

開縣志

建置

晉初廢郡後復置仍屬巴東郡

宋同

齊同

西魏改曰永寧

隨地置萬州改曰盛山屬巴東郡義寧二年析其

唐武德初改曰開州天寶元年改曰盛山郡開

宋仍曰開州盛山郡屬夔州路

元省縣入州

明洪武四年仍為開州七年改州為縣屬夔州



國朝因之

編戶七里盛山里臨江上里臨江下新浦  
上里新浦下里漢高里漢高東里

編戶三里曰東里江里浦里

開縣志

建置

二



開縣志

形勢


漢中之郡盛山所理漢中賴史新宅記

水陸所輳貨殖所萃隋誌

當禹貢之荒落巴封之微墜溫造宿雲亭記

開縣志

形勢





開縣志

城池

舊築土城明成化二十三年撫治道董齡始命  
 甃砌石城高一丈二尺周二里許計三百六十  
 丈有奇正德六年署縣訓導楊文重修建樓濬  
 池深廣一丈四門增砌益高東曰望僊以神仙  
 南曰瑞石以仙女西曰留陽以日將北曰盛山  
 以接盛山名鏡石各正德七年藍鄢賊猖獗至城下攻  
 圍四晝夜莫能冒險縣卒保全楊文之功不可

開

縣志

城池

一

沒也後因承平日久屋廢墻圯知縣滇南李  
 設法修築復監樓屋年久傾頽乾隆七年知  
 縣粵西秦有年捐造東西二樓併修南樓

200



開縣志

疆域

縣在府西少北二百三十里東西距二百四十里南北距一百二十里東至尖山壩交大寧縣界二百里西至直隸忠州梁山縣界四十里南至鐵鳳山交萬縣界六十里北至高橋關交直隸達州東鄉縣界七十里東南至網鹿溪交雲陽縣界六十里西南至石香壩交萬縣界一百六十里東北至大寧縣界二百里西北至豆山關交直隸達州新寧縣界四十里

開縣志

疆域

一



開縣志

山川

神仙山

在縣東一里昔有仙人朱衣白馬登此山唐天寶初置壇號神仙宮石巖鑿有文昌二字每逢元宵佳節以油燭燃之點畫分明文光遠照

熊耳山

在縣東南五里以形似故名

開縣志

山川

一

盛山

在縣北三里突兀高聳唐韋處厚知開州有盛山十二景詩韓愈為之序杜甫詩挂笏看山尊盛字蓋以狀言也上有宿雲亭隱月岫流盃池琵琶臺盤石磴葫蘆沼繡衣石瓶泉井梅溪桃塢茶嶺竹厓為十二景今圯無存

州面山

在縣南一里羣峯秀矗一名瑞賢山

瑞石山



在縣東南八里一峯突起山有瑞石

崖飛山

在縣東北一百四十里高一百七十丈崖勢

高懸如飛鳥一名雁飛山舊誌有石塔山在

縣東北山下有泉分為三道一入夔州一入

開州一入達州

石門山

在縣北一百里有石穴名盤頭洞洞中有水

產嘉魚舊屬清水縣

開縣志

山川

青岡山

在縣西南四十里峰巒翠嶺

九龍山

在縣西二十里有石楠垂雲玉環凝香飛虹

啼猿磨崖飛仙青楓共九山峰巒聯峙勢相

起伏亦名九隴山

鯉城山

在縣西四十里三百懸絕東南有城城間有

浦多生鯉魚因名有常渠水流經此山



城山

在縣西十五里四面懸絕東向有城

鐵鳳山

在縣南四十里

射洪山

在縣南二十里上有故城址舊傳關索曾射

於此

界頂山

在縣東北七十里

開縣志

山川

三

九折山

在縣西五十里高八十丈山形盤旋九折各名觀音山明孝廉汪朮建亭道於此施茶以便往來憩息

毘盧山

在縣東南十里高二百丈林巒高聳雄壓諸山有毘盧寺

大池山

在縣西十五里高百丈頂有大池方廣百畝



水極清冽

安樂山

在縣北一百里

登雲峯

在縣南州面山岡之右高五丈周十八丈

茶嶺

在縣北三十里舊傳產茶之處茶味絕佳不生雜卉今則無矣

獅子崖

開縣志

山川

四

在縣北五十里

楊柳洞

在縣東十里泉自洞出極清

雷洞

在縣東五里温井後山側廣德初雷震而成

唐志在萬歲縣名 洞一名東洞

集真洞

在縣東北二十里嘉靖五年掘出一碑記云  
內有石日月其名如畫為真人所居故謂之

156



集真洞傳聞漁人遇暑夜嘗見人在彼河內  
沐浴有應答聲俄而遁人水中疑其為洞仙  
也

### 老龍洞

在縣西北八十里洞門方廣五尺深不可測  
以火燭之行三里許有水池極深凡遇旱禱  
雨輒應相傳宋時早有祈雨者入洞中取水  
忽迷路遂前行三十里見一大宅院有一老  
嫗曝米穀後園中有犬數百五色斑斕各自

開

縣志

山川

五

為隊或躍或舞或偃或卧殿堂門廡全碧輝  
煌老嫗問曰汝來何為其人據實以對且賜  
飯食之甚美老嫗嘗以身遮護恐為羣犬所  
害乃曰此不宜久居我授汝一竹杖持此可  
知前路至洞口置之慎勿持去亦勿回顧又  
以白米一升貽之其人回至洞口行百步回  
視竹杖乃龍也頭角崢嶸牙爪奮露奔至家  
視其米皆珠也其人後壽至八十

### 龍馬洞



在縣北五十里一名西洞門高一丈方廣二  
畝內有一石塔高二丈一石座高七尺上有  
石傘罩之又有二石龍頭角崢嶸牙爪奮露  
一石柱挺立不倚一石鼓擊之鏗然有聲上  
有瓔珞下垂如流珠狀者百數五彩祥雲舒  
卷不一形像巧於鐫刻石壁下有井一口方  
廣一丈深不可測有馬蹄跡自井中出入錯  
雜稍北又有洞門高七尺許以燭火照之可  
行三四里即滅洞口有延真觀

開

縣志

山川

六

開江

自新寧縣霧山坎發源東南流至城南一里  
下流入雲陽縣界為小江古彭溪水也

清江

自縣東北界頂山發源南流七十里至城東  
南入於開江古巴渠水也

墊江

自縣西南青岡山發源東流五十里入於開  
江



温井

在縣南其水冬夏常温

白水溪

自崖飛山發源南流三十里至縣東北四十里入於清江

三潮溪

在清水温湯鹽井之側自積正洞發源至縣東二十里入於清江一日三潮冬温夏涼頗為神異

開縣志

山川

七

温湯井

在縣東北五十里有松木栢木龍馬三井煎

鹽輸課

瑞蓮池

在縣西一里青雲橋下宋元祐初嘗開兩頭蓮元至和中亦開郡守有瑞圖遺碑又名睡佛池以盛山影照水中合山水二影視之宛似佛像倒睡狀

桃溪

169



在縣西二十里源出達州大陂溪至火焰壩  
與梓水合流注於臨江

梓水溪

在縣西一百七十里源出達州太平山至火  
焰壩注於桃溪



開縣志

古蹟

開江故城

在縣東一里後漢建安二十一年置漢豐於此西魏改永寧震宇記周天和元年改縣曰永寧於縣置周安郡隋開皇三年罷郡屬開州十八年改曰盛山大業二年州廢始屬巴東唐改開江武德元年移今治

清水廢縣

開縣志

古蹟

在縣東北六十里漢胸臆縣地宋武帝分置巴渠縣後周天和元年分巴東置萬安郡隋開皇三年罷郡屬開州大業二年州廢屬萬安郡唐武德初屬開州二年移今治寶曆初節度使裴度奏廢併入開江尋復置仍屬開州宋元豐後改曰清水元廢舊志周曰萬縣隋改萬世唐貞觀中改曰萬歲與前說不同

新浦廢縣

在縣西南九十里本漢胸臆縣地震宇記宋

240



永初中置後魏恭帝三年於縣置開江郡後  
周天和五年改江會郡建德五年郡廢屬周  
安郡隋開皇初郡廢屬開州大業二年州廢  
屬巴東郡唐仍屬開州武德七年自縣西北  
故城移於今縣宋慶曆四年并入開江

### 西流廢縣

在縣西北一百五十里後魏置漢興縣西魏  
改曰西流後周屬周安郡隋開皇三年罷周  
安郡以縣屬開州大業初州廢改屬通州郡

### 開縣志

古蹟

二

唐武德初改屬開州貞觀初入盛山

### 黃侯城

在縣東五里五代時土人黃侯二家避兵於  
此

### 虎跳城

在縣南七十里五代孟知祥據屬土人築以  
防寇

### 老鴉城

在縣南八里宋政和初土人避寇所築



鯉魚城

在縣南九十里宋建炎初土人築

仙女鏡

在縣南五里山嶺有石圓五丈餘明徹如鏡

白鶴樓

在縣城內宋慶元中建即今鼓樓

四拉臺

在縣北三十里宋張灝有詩遺址尚存

雲鴻亭

開縣志

在縣南三十里宋賈緯有詩

宿雲亭

在縣盛山溫造有記韋處厚詩薺平連郡國

帶繞抱江城張籍詩捲簾無俗客應尺只見書

來

翠薌亭

在縣北宋夏侯孚先記云盛山風物冠冕峽

郡其間十二樓多宋名人唱和

盛山堂

古蹟

三



在縣後圃太守柳公綽建韋處厚為開州刺史時嘗咏遊其地有盛山堂十二景詩韓愈為序

### 懷古堂

在縣東圃為太守陳公璟建

### 遺愛堂

在縣西圃為太守王正甫建

### 裕民堂

在縣舊州治內又有建養雙柏二宋盧德有

## 開縣志

### 古蹟

四

### 詩

#### 古碑記附

#### 盛山宿雲亭記名

在縣西北三里唐元和十三年刺史韋處厚

#### 詩溫造撰記

#### 盛山十二題詩

唐韋處厚撰韓文序云韋侯所為十二詩讀而詠歌之今人欲棄百事往與之遊和者元稹許康佐白居易李景儉嚴武溫造於是盛



山十二詩與其和者廣行於時

唐開元刺史新宅記

權德輿撰

盛山集

商有序撰

圖經

李宗諤編

開

縣

志

古蹟

五



開縣志

場市

臨江市

在縣西五十里

馬嘶橋

在縣西八十里

鐵鎖橋

在縣西南八十里

巫山坎

縣志

場市

在縣西南一百一十里

溫湯井

在縣東五十里

陳家場

在縣南八十里



開縣志

關隘

虎爪關

在縣北三里

金練關

在縣北五十里

高橋關

在縣北一百里

茅坡關

開縣志

關隘

在縣西九十里

溫湯鎮

在縣東五十里

55



開縣志

鋪遞

紅射鋪

在縣東十里

渠口鋪

在縣東二十里

馬塘鋪

在縣東三十里

網鹿鋪

開縣志

在縣東四十里

想事鋪

在縣南十里

盧家鋪

在縣二十里

劉家鋪

在縣南三十里

梅子鋪

在縣南四十里

鋪遞



長林鋪

在縣南五十里

大面鋪

在縣南六十里

尚里鋪

在縣西十里

竹溪鋪

在縣西二十里

臨江鋪

開縣志

鋪遞

在縣西三十里

豆山鋪

在縣西四十里

游家鋪

在縣北十里

長店鋪

在縣北二十里

舊縣鋪

在縣北三十里



柞井鋪

在縣北四十里

高橋鋪

在縣北五十里

長城鋪

在縣北六十里

楊柳鋪

在縣北七十里

現今只設五鋪

底塘鋪

紅射鋪

渠口鋪

開縣志

鋪遞

三

馬塘鋪

龍盤鋪餘俱裁汰每鋪額設鋪司二

名每名歲給工食銀六兩

以上五鋪歲共支銀六十兩閏年加增銀五

兩在地丁內扣留



開縣志

津梁

水南橋

在縣南里里

觀音橋

在縣西五里

馬嘶橋

在縣西一百里

合龍橋

開縣志

津梁

在縣西八十里嘉靖八年義民魯頊脩

大洞橋

在縣東十里

天生橋

在縣北五里

官潭渡

在縣南一里

臨江洞口渡

在縣西五十里



清江渡

在縣東一里

臨江渡

在縣東一里

小水橋渡

在縣西六十里

渠口渡

在縣東三十里

枇杷渡

開縣志

馬轉渡

在縣東十五里

津梁



開縣志

風俗

俗重田神漁樵耕牧好唱竹枝歌 寧字記

士以積文相尚有溫造柳公綽之餘烈 元學記

不事工商惟務農業樸實不華誠篤有義 信記

盛山臨江鄉力農桑慕文學冠裳頗盛新浦鄉

務農勤織不事游惰惟頗健訟漢高鄉民俗淳

樸猶存古風



開縣志

公署

大門 三間 鼓樓 儀門 三間 大堂 三間

二堂 三間 茶廳 在二堂右 內署 五間

座樓 三間 廂房 二間 省耕亭 一座 知縣沈震世建

思補堂 三間 廚房 二間 飛翠亭 一座

六房 十間 康熙五十八年知縣郭孝穆捐修雍正十二年知縣沈震世增修東西二間

靈官廟 一間 在大堂東知縣王景舜捐造

土地祠 在衙內東 迎賓館 今圯

開縣志

公署

監獄 五間 在儀門右 雍正八年知縣張景穆監造

常平倉 在堂東知縣王景舜捐修雍正九年知縣沈震世增修十五間

義倉 知縣王景舜捐修

主簿衙 今廢

典史衙 儀門內右 二門 三間 大堂 三間

班房 二間 後堂 三間 左右廂房 共四間

座樓 三間 典史游廷試建

儒學 在縣西 頭門 一座 二門 一座

大堂 三間 二堂 一間 內宅 三間 書房 一

264



間

陰陽學

醫學

道會司

僧會司

駐防署

原無其地今借寓

關廟

開

縣

志

公署

二



開縣志

學校

學宮舊在縣東門外唐韋處厚建明嘉靖六年  
改建城內萬曆四年遷於盛山之西明末圮

國朝康熙六年知縣盧天樞仍建城內二十四年知

縣王景舜捐俸增修匾額碑祠與府制同康熙

五十八年知縣郭孝穆捐俸新鑿泮池建月橋

修甬道造龍鳳坊 額取入學八名

文昌<sup>廟</sup>三間 東西兩廡十間 鄉賢祠一間

開縣志

學校

名宦祠 一間 戟門 櫺星門

崇聖祠 三間知縣秦有年修闢寬敞壯麗可觀

明倫堂 舊三間柱榱朽節<sup>蝕</sup>知縣胡邦盛易地修  
蓋復增益三間以便課試

忠義祠 雍正八年知縣張景穆建

節孝祠 雍正八年知縣張景穆建

三賢書院 縣東一里明嘉靖中建祀元趙受  
陳良楊文今廢

義學 三間治內知縣王景舜建今廢

芙蓉書院 前後二座各三間在治東門外

雍正十二年知縣沈震世捐俸建造繚以周

252



垣三十九丈門樓一座石碑條約一道又捐  
置義學田地二處一坐落宋家嶺載糧一斗  
六升零一坐落鄭家壩載糧一斗三升零每  
年收租穀二十八石變價銀二十八兩以供  
修脯之用乾隆七年知縣秦有年砌以石路



開縣志

坊表

宣化坊 平政坊 恩榮坊為主事魏守信立

鵬程坊為舉人陳子哲立 少卿坊為汪瀚立

勅命坊為光祿寺少卿立 攀桂坊為舉人陳彥通立

飛黃坊為舉人嚴琬立

以上諸坊今俱廢無存



開縣志

祠廟

文昌宮

在學宮右雍正三年知縣朱岳楷重修

關帝廟

舊在文昌宮下殿地勢促狹知府劉天觀知縣郭孝穆捐俸率士民建廟於分司舊址今駐防連年借寓焉

城隍廟

開縣志

祠廟

在東門外知縣張景穆重修

大覺寺

在縣北盛山下

東嶽廟

在大覺寺右半里

太清觀

在縣西明永樂六年重修

先農壇

在縣北半里雍正六年知縣朱岳楷建



武侯祠

在縣南門外馬頭之左

川王廟

在縣南門外馬頭之左

三官廟

在縣西門內康熙四十九年典史屠宸樞建

養濟堂

在縣東門外雍正四年知縣朱岳楷建

觀音堂

開縣志

祠廟

二

在縣西十里

佛會寺

在縣西四十里

廣福寺

在縣西四十里

碧雲寺

在縣西五十里

白雲寺

在縣西五十里



雙城寺

在縣西四十里

道林寺

在縣西五十里

關帝廟

水府廟

東嶽廟

三義宮

真武宮

在縣西臨江市離城六十里

善繼庵

在縣西五十里

普光寺

開縣志

祠廟

三

在縣西十五里

普濟寺

永盛寺

在縣西六十五里

西林寺

在縣西八十里

寶佛寺

在縣八十里

天宮堂

在縣西九十里



毘盧寺 華嚴寺

在縣東五里

報國寺

在縣東十五里

圓通寺

在縣東八十里

傳燈寺

在縣東七十里

寶勝寺

開縣志

在縣南九十里

福壽庵

在縣南一百二十里

朝天觀

在縣南八十里

三元庵

在縣南一百里

祠廟



開縣志

戶口

自康熙五年奉文清查起至乾隆六年編審止  
新舊承糧羅鴻信等共四千七百三十戶人  
丁四千七百三十丁 流寓二百二十二戶

開縣志

戶口



開縣志

賦役

原額稅糧叁千玖百玖拾伍石捌斗捌升玖合壹勺壹抄

人丁貳千叁百伍拾貳丁萬曆四十一年審編加增貳丁

夏稅

起運

布政司廣濟庫荒絲米一十八石每石折絲一觔

開縣志

賦役

一

共絲一十八觔每觔折銀五錢共銀九兩萬曆三十二年奉文加增銀三兩九錢九分八釐八毫八絲九忽一微一塵遇閏加銀五錢八分七釐四毫九絲

地畝綿花六百五十九觔一十一兩二錢六分二

釐每觔折銀六分二釐一毫四忽

秋糧

起運



工部料米二百六十石八斗八升九合一勺一抄  
每石徵銀五錢共銀一百三十兩四錢四分四  
釐五毫五絲五忽

太平倉折色米六百五十五石六斗六升六合每  
石徵銀七錢共銀四百五十八兩九錢六分六  
釐二毫

加增茶蠟硃漆各項物料七兩九錢九分一釐七  
毫八絲

撥運

開縣志

賦役

二

湖廣施州倉米四百石每石徵銀八錢共銀三百  
二十兩

本府太平倉本色米二千二百一十一石三斗三  
升四合

每石徵銀七錢共銀一千五百四十七兩九  
錢三分三釐八毫

存留

本縣存儒二倉米四百五十石每石徵銀七錢共  
銀三百一十五兩有閏共加銀二十七兩七錢



二分

戶口原編銀五十三兩六錢四分

起運

布政司戶口銀四十五兩四分有閏加銀四兩四

錢七分

存留

本縣戶口銀八兩六錢

驛傳原編銀六百七十三兩二分八釐三毫三絲

先年加增一百三十五兩九錢三釐九毫二絲

開縣志

賦役

三

二忽八微實編銀八百八兩一錢二分二釐二

毫五絲二忽八微

撥運

協濟傳銀八百八兩一錢二釐二毫五絲二忽八

微

丁糧額辦

均徭原編銀一千五百一十五兩五錢除增減抵

算外先年加銀一百六兩三錢七分七釐八毫

實編銀一千六百二十一兩八錢七分七釐八



毫有閏照例加徵

起運

布政司甲丁二庫銀四十兩 麂皮銀一百四十兩  
兩般實盤纏銀四十兩黃蠟價編銀一十五兩  
六錢加增黃白蠟銀三十兩六錢四分八釐三  
毫加增進士牌坊銀二兩六錢六分三釐四毫

撥運

本府應朝水手銀原編一十二兩加增三兩五錢  
五分六釐七毫實編銀一十五兩五錢五分六

開縣志

賦役

四

釐七毫 柴薪四名馬夫三名共銀一百六十  
八兩裁減銀五十三兩一錢二分四釐六毫實  
編銀一百一十四兩八錢七分五釐四毫有閏  
加增銀四兩 門子三名工食銀一十二兩裁  
二名減銀四兩八錢實編一名工食銀七兩二  
錢有閏加銀六錢 皂快工兵一十五名工食  
共銀一百八兩裁草四名減銀二十八兩八錢  
實編一十一名每名工食銀七兩二錢共銀七  
十九兩二錢有閏加銀六兩六錢 禁子二名

584



每名工食銀七兩二錢共銀一十四兩四錢有  
閏加銀二兩二錢 庫子一名工食銀七兩二  
錢裁革免編 太平倉斗級一名工食銀七兩  
二銀有閏加銀六錢

奉節縣祭祀銀六十四兩太平縣齊夫銀四十  
八兩

存留

本縣春秋祭祀銀四十八兩 鄉飲酒禮銀八兩  
歲貢盤纏銀二十二兩五錢加增應

開縣志

賦役

五

朝盤纏銀一十三兩三錢三分四釐 柴薪七名  
共銀八十四兩有閏加銀七兩 馬夫三名共  
銀一百二十兩 門子四名工食共銀一十六  
兩加增銀一十二兩八錢每名實編工食銀七  
兩二錢共銀二十八兩八錢有閏加銀二兩四  
錢 皂隸二十四名工食銀一百七十二兩八  
錢裁六名減銀四十三兩二錢實編一十八名  
每名工食七兩二錢共銀一百二十九兩六錢  
有閏加銀一十兩八錢 禁子四名每名工食

298



七兩二錢共銀二十八兩八錢有閏加銀二兩四錢 庫子二名工食共銀一十四兩四錢今改庫吏看庫減銀二兩四錢實編紙劄工食銀一十二兩有閏加銀六錢 斗級二名原編工食共銀二兩裁革斗級改設倉吏一名實編紙劄工食銀一十四兩四錢有閏加銀一兩二錢減銀九兩六錢應裁該縣冊登係造冊循環紙劄有本等工食仍一例裁減儒學齋夫銀四十八兩有閏加銀四兩 膳夫銀五十兩有閏加

開 縣志

賦役

六

銀四兩一錢六分六釐六毫六絲 門子二名 庫子一名共三名工食共銀一十兩八錢加銀一十兩八錢每名實編工食七兩二錢共銀二十一兩二錢有閏加銀一兩八錢 廟夫一名工食銀三兩六錢有閏加銀三錢 本縣察院看司一名工食銀三兩六錢加增四錢實編工食銀四兩 府館看司一名工食銀二兩加增一兩實編銀三兩縣門臨江康村渠口銅鈴尚理竹溪大浪龍盤石盤紅射豆山馬灘香鋪四



兵一十三名工食共銀三十九兩增一十一名  
并漆工食共加銀一百三十三兩八錢實編二  
十四名每名工食銀七兩二錢共銀一百七十  
二兩八錢有閏加銀一十四兩四錢加增中伙  
四鋪什物銀一兩共銀四兩臨江等河原編渡  
夫五名工食共銀一十二兩增二名共漆工食  
共加銀三十八兩四錢實編七名每名工食七  
兩二錢共銀五十兩四錢有閏加銀四兩二錢  
加增小水河渡夫一名工食銀二兩一錢有閏

開縣志

賦役

七

加銀一錢七分尖山金子二關弓兵一十八名  
每名工食七兩二錢共銀一百二十九兩六錢  
有閏加銀一十兩八錢

民壯原編二百二十名共銀一千五百八十四兩  
先年加增二十五名加銀一百八十兩實編二  
百四十五名共銀一千七百六十四兩有閏照  
例加增

撥運

本府巡江民兵一十五名每名工食銀七兩二錢



共銀一百零八兩有閏加銀九兩  
太平縣成守民兵三十名每名工食銀七兩二錢  
共銀二百一十六兩有閏加銀一十八兩

存留

本縣應役民兵二百名每名工食銀七兩二錢共  
銀一千四百四十兩有閏加銀一百二十兩  
夫馬原編銀四百三十二兩先年加增銀二百七  
兩二錢五分七釐六毫實編銀六百三十九兩  
二錢五分七釐六毫有閏照例加增

開縣志

賦役

八

存留

應役條夫燈夫共三十七名每名工食銀七兩二  
錢共銀二百六十六兩四錢有閏加銀二十二  
兩二錢應遞馬一十五匹每匹連草料鞍轡兩  
具人夫工食銀二十一兩六錢共銀三百二十  
四兩有閏加銀二十七兩 加增大小官役<sub>船</sub>五  
隻共工食銀四十八兩八錢五分七釐六毫共  
除四十兩支給水手工食餘銀八兩八錢五分  
七釐六毫收貯修理船隻作正支銷



公費原編銀一百二十五兩一錢八分六釐先年  
加增一百七十一兩五錢一分三釐九毫四絲  
加本府倉吏紙劄工食銀五兩一錢八釐禁子冊<sub>刊</sub>  
具銀一兩二錢三分三釐

本縣禁子冊<sub>刊</sub>具銀八兩實編銀三百一十一兩一  
錢四分九毫四絲

撥運

本府供應修理刑廳什物科舉盤纏陰陽生工食  
紙劄刑具并協濟奉節縣歲考等銀共七十一

開縣志

賦役

九

兩二錢七釐六毫有閏加銀三兩二錢九分三  
釐二毫二絲

存留

本縣實用公費銀二百三十九兩九錢三分三釐  
三毫四絲有閏加銀六錢

雜辦課程

商稅銀九兩九錢九分九釐九毫七絲九忽有閏  
加銀八錢二分七釐五毫三絲

魚油銀二兩八錢九分九釐九毫七絲九忽有閏

245



加銀二錢二絲一忽

魚課銀二錢七分六釐二毫五絲有閏加銀二分  
三釐六毫五絲一忽

川椒一百七十七觔每觔徵銀二錢九分奉文每  
觔加銀一錢共銀六十九兩三分

茶葉二萬二十觔二兩八錢一分九釐每觔徵銀  
一分八釐共銀三百六十兩三錢六分三釐二

毫

查以上各款雖缺額無徵今照舊時全書開載以

開縣志

賦役

十

備日後地懇民庶錢糧足用時攷核刪定

一自康熙四年奉

文清查起至康熙六十一年應

徵止清出土著營兵及弁兵自首開懇共上中

下學田地一千三百六十七頃八畝七分五釐

三絲七忽四微二塵內

上田一百五十二頃一十五畝六分七釐四毫六

絲六忽 每畝載糧七合四勺六抄 共載糧

一百一十三石五斗八升九勺三抄二撮九圭

六粒三粟六末



中田二百六十五頃二十九畝七分一釐七毫一絲八忽 每畝載糧六合五勺二抄八撮二圭  
共載糧一百七十三石一斗九升一合二勺九抄九撮六圭六粒四粟五末

下田三百七十頃八十八畝九分七毫六絲六忽  
每畝載糧五合五勺九抄六撮一圭 共載糧  
二百七石五斗五升三合二勺三抄六撮一圭  
五粒六粟

上地四十頃四畝五分八毫三絲 每畝載糧二

開縣志

賦役

十一

合三勺 共載糧九石二斗一升三勺六抄九撮九粒

中地一百三十頃六十五畝一分一釐四毫三絲  
九忽四微二塵 每畝載糧一合一抄二撮三圭  
共載糧七十石三斗六升八合四勺九抄  
八撮四圭八粒三粟

學下田四畝四分 每畝應納京斗租穀六斗  
見徵京斗租穀二石六斗四升  
見徵稅糧六百石一斗二升三合二勺六抄六撮

277



八粒一粟五末 每糧一石徵大糧銀九錢一分四釐九毫六絲七忽五微

見徵大糧銀五百五十五兩九分四釐五毫一絲七忽一微一塵九纖

以糧一石六斗九升七合四勺八抄九撮 載丁

一丁

見載人丁三百五十三丁五分三釐五毫八絲八忽 每丁徵銀六錢八分二釐八毫九絲九塵 見徵銀二百四十二兩四錢二分六釐一毫四

開縣志

賦役

十三

絲八忽九微一塵一纖 每糧一石徵條銀六

錢八分二釐八毫九絲九塵

見徵條銀四百九兩八錢一分八釐二毫三絲一

忽一微八塵六纖

以上實徵大糧丁條銀一千二百六兩三錢三分

八釐八毫九絲七忽二微一塵六纖其自

康熙九年奉 文加閏銀兩照舊時全書內各

項遇閏為數將原額人丁稅糧合算攤派每丁

糧一石徵閏銀五分五毫五絲五忽七微四塵

278



五織遇閏之年照例加徵銀四十八兩二錢一分二釐九毫三絲六忽一微三塵六纖解  
司完納

扣留

本縣祭祀銀一十六兩 廩生餼糧銀六十四兩

起運

布政司廣濟庫大糧丁條銀一千一百二十六兩  
三錢三分八釐八毫九絲七忽二微一塵六纖  
遇閏之年照例加徵銀四十八兩二錢一分二

開縣志

賦役

十三

釐九毫三絲六忽一微三塵六纖

存留

本縣京斗租穀二石六斗四升收貯本倉聽候支

給

一歲支

本縣春秋二祭

文廟及山川社稷各壇祠原編銀四十八兩今因錢  
糧不敷每歲約用銀一十六兩係本縣自行捐  
備康熙十一年十一月內奉 文為祭祀



國之大典等事案內請給春秋二祭銀一十六兩又  
於康熙二十年二月內奉文為祭祀事案內  
照舊於條糧銀內動支又於康熙五十年正月  
內奉文為

聖治當重熙等事案內將祭祀銀兩於本縣該年地  
丁銀內扣留備支

本縣知縣一員歲額俸銀二十七兩四錢九分薪  
銀三十六兩心紅紙張銀二十兩油燭銀一十  
兩傘扇銀二兩除心紅紙張外共銀七十五兩

開縣志

賦役

十四

四錢九分於順治十三年十二月內奉文為錢  
糧入不敷出等事一案將薪傘扇銀一十七兩  
五錢一分添入俸銀內照滿洲筆帖式哈方例  
算給俸銀四十五兩餘銀三十兩四錢九分全  
裁又於康熙七年六月內奉文為請

旨酌省存留錢糧事案內裁去心紅紙張銀五兩復  
於康熙八年九月內奉文為請復存留錢糧等  
事仍照錢糧入不敷出等事一案實支俸銀四  
十五兩心紅紙張銀二十兩共銀六十五兩於



康熙十九年十月內奉文為

題明川省官俸等事案內因軍需浩繁道員以上照例全捐州縣以上半捐半支惟首領佐貳教職雜職微員仍令全支至大小各官紙紅銀兩全捐外實支半俸銀二十二兩五錢又於康熙二十一年四月內

欽頒

恩詔一款內開在外各官俸銀著照舊支給實支全俸銀四十五兩

開縣志

賦役

十五

額設衙役一百三名因蜀省凋殘人民稀少止量招募三十七名每名歲該工食銀七兩二錢於順治十三年十二月內奉文為錢糧入不敷出等事每名裁留銀六兩又於康熙七年六月內奉文為請

旨酌省存留錢糧事裁去衙役七名存留門皂等役三十名復於康熙八年九月內奉文為請復存留錢糧等事仍照三十七名每名工食銀六兩共該銀二百二十二兩因錢糧不敷每名歲攤

297



支二箇月零九日工食銀一兩一錢五分共實  
支工食銀四十二兩五錢五分內門子二名每  
名歲支工食銀一兩一錢五分共銀二兩三錢  
皂隸一十六名每歲支工食銀一兩一錢五分  
共銀一十八兩四錢馬快八名每名歲支工食  
銀一兩一錢五分共銀九兩二錢燈夫四名每  
名歲支工食銀一兩一錢五分共銀八兩五分  
於康熙二十一年四月內

欽頒

開縣志

賦役

六

恩詔一款內開衙役工食自二十二年照舊支給於  
康熙五十七年為懇請援復舊額等事案內請  
照外省之例每名加增銀四兩八錢共銀六兩  
奉准 部覆以康熙五十八年為始仍照三十  
七名每名歲支工食銀六兩共銀二百二十二  
兩

本縣典史一員歲額俸銀一十九兩五錢二分薪  
銀一十二兩先於順治十三年十二月內奉文  
為錢糧入不敷出等事案內開不分柴薪總算



給奉銀三十一兩五錢二分 額設衙役六名  
每名歲該工食銀七兩二錢於順治十三年十  
二月內奉文為錢糧入不敷出等事每名裁留  
銀六兩又於康熙七年六月內奉文為請

旨酌省存留錢糧事案內裁去衙役二名存留四名  
復於康熙八年九月內奉文為請復存留錢糧  
等事仍照六名每名工食銀六兩共銀三十六  
兩因錢糧不敷每名歲攤支二箇月零九日工  
食銀一兩一錢五分共實支銀六兩九錢內

開縣志

賦役

十七

門子一名歲支工食一兩一錢五分 皂隸  
四名每名歲支工食銀一兩一錢五分共銀四  
兩六錢 馬夫一名歲支工食銀一兩一錢五  
分於康熙二十一年四月內

欽頌

恩詔一欵內開衙役工食自二十二年照舊支給以  
康熙五十八年為始仍照六名每名歲支工食  
銀六兩共銀三十六兩

本縣教官一員歲額俸銀一十九兩五錢二分薪

247



銀一十二兩於順治十三年十二月內奉文  
錢糧入不敷出等事不分柴薪總算給俸銀三  
十一兩五錢二分

額設衙役一十三名因地方凋殘人民稀少止量  
招募四名每名歲該工食銀七兩二錢於順治  
十三年十二月內奉文為錢糧入不敷出等事  
每名裁留銀六兩共銀二十四兩因錢糧不敷  
每名歲攤支二箇月零九日工食銀一兩一錢  
五分共銀四兩六錢內門斗二名每名歲支工

開縣志

賦役

丈

食銀一兩一錢五分共銀二兩三錢膳夫二名  
歲支工食銀一兩一錢五分共銀二兩三錢於  
康熙二十一年四月內

欽頌

恩詔一款內開衙役工食自二十二年照舊支給  
以上本縣春秋二祭以及官俸歲該支銀一百二  
十四兩四分每歲具領赴  
布政司庫內照數備領支給衙役工食銀五十  
四兩伍分自二十二年照舊支給

294



一鄉飲酒禮原編銀八兩因錢糧不敷每歲量用銀四兩係本縣自行捐備

一禁子額設四名原編銀一十四兩四錢因錢糧不敷今量招募二名工食自行捐備

雜辦課程

見載學田下田四畝四分每畝應納京斗租穀六斗見徵京斗租穀二石六斗四升

存留

本縣京斗租穀二石六斗四升收貯本倉聽候支

開縣志

賦役

九

給

新額

自康熙二年起至雍正十三年徵輸止

上田四百二十八頃七十一畝一分七釐九毫九絲五忽每畝應徵丁條糧銀一分四釐九毫九絲五忽七微三塵三纖共徵丁條糧銀六百四十二兩八錢八分四釐二毫六絲六忽二微二塵五纖

中田四百四十三頃二十六畝六分三釐八毫八



絲 每畝應徵丁條糧銀一分三釐一毫二絲  
二忽六微七塵三纖 共徵丁條糧銀五百八  
十一兩六錢八分三釐八毫八忽六微四纖

下田五百七十八頃八十五畝八分九釐六毫

每畝應徵丁條糧銀一分一釐二毫四絲九忽

一塵一纖 共徵丁條糧銀六百五十一兩一

錢五分九釐八絲八微四塵九纖

上地二百一十四頃三十畝二分九釐五毫 每

畝應徵丁條糧銀四釐六毫二絲二忽三微四

開縣志

賦役

二十

塵九纖 共徵丁條糧銀九十九兩七分九釐

七毫三絲二忽九微五塵七纖

中地二百九十四頃一十一畝三分二釐五毫四

絲 每畝應徵丁條糧銀四釐四絲五忽二塵

八纖 共徵丁條糧銀一百一十九兩二分九

釐四毫一絲八忽九微一塵四纖

下地三百六十九頃九十九畝三分五釐一毫

絲 每畝應徵丁條糧銀三釐四毫六絲六忽

九塵九纖 共徵丁條糧銀一百二十八兩二



錢七分三釐三毫八絲六忽四塵五纖

上中下田地共二千九百一十六頃七十四畝六分二釐九毫二絲五忽

共徵丁條糧銀二千二百二十二兩五分二毫一

忽三微四塵四纖遇閏加徵銀八十八兩八錢

七釐二毫二絲九忽七微九塵六沙六渺

實在共徵正閏丁條糧銀二千三百一十兩八錢

五分七釐四毫三絲一忽一微四塵六沙三渺

又雍正六年丈出

開縣志

賦役

三

荒下田三千六百九十九畝六分七釐二毫六絲

每畝應徵丁條糧銀一分一釐二毫四絲九忽

一塵一纖 共徵丁條糧銀四十一兩六錢一

分七釐六毫五絲七忽七微七塵四纖

應徵閏銀一兩六錢六分三釐三毫五忽五微七

塵二纖九渺

實在共徵正閏丁條糧銀四十三兩二錢八分九

毫六絲三忽三微四塵六纖九渺

見載人丁羅鴻信等四千八百七十九戶 共二萬



三百五十六口

見載新舊上中下田地共二千七百六十七頃七十

四畝三分二釐六毫六絲五忽

見徵丁條糧銀二千二百八十七兩七錢二分八釐

一毫一絲三忽九微七塵一纖每兩遵照加一

五火耗徵收共該火耗銀三百四十三兩一錢

五分九釐二毫一絲六忽二微九塵五纖六沙

五渺遇閏加閏銀九十一兩四錢三分二釐一

毫二絲五忽七微五塵八纖七沙二渺加閏火

開縣志

賦役

二十三

耗銀一十三兩七錢一分四釐八毫一絲九忽

六微六塵三纖八沙八漠 正閏共銀二千三

百七十九兩一錢六分二毫三絲九忽七微二

塵九纖七沙二渺正閏火耗銀共三百五十六

兩八錢七分四釐三毫五絲九忽五微九塵四

纖五沙八渺除扣留祭祀廩糧以及正雜官役

俸工外餘悉批解

藩庫上納

存留



本縣文武二廟春秋祭祀銀三十二兩

歲支

本縣舊額春秋二祭

文廟及山川社稷各壇祠原編銀五十二兩於康熙

五十年正月內奉 文為

聖治當重熙等事案內將祭祀銀一十六兩於本縣

地丁銀內扣留備祭

武廟春秋二祭銀一十六兩於雍正五年八月內奉

文為知會事案內照 文廟崇聖祠之例每年

開 縣志

賦役

二十三

春秋致祭其祭祀銀一十六兩在於本縣地丁

銀內扣留備祭於雍正十三年二月內奉 文

為欽奉

上諭等事案內將 文廟春秋二祭每祭加增銀六

兩在於川省存公銀內動撥自雍正乙卯年為

始至社稷山川等壇各給銀四兩亦在於存公

銀內照數動撥

起運

布政司廣濟庫丁條糧銀一千五百六十三兩二

248



錢零八釐一毫一絲三忽九微七塵一纖遇閏  
應解銀一千六百四十四兩三錢六釐九毫六  
忽四微四塵九纖七沙二渺

### 雜辦課稅

額徵牙行稅帖二張每張徵課銀一兩共課銀二  
兩解赴 布政司廣濟庫投納

### 俸廉工食

本縣知縣一員歲額俸銀四十五兩歲支養廉銀六  
百兩

### 開縣志

### 賦役

### 三

額設衙役三十七名每名歲支工食銀七兩二錢  
於順治十三年十二月內奉 文為錢糧入不  
敷出等事案內每名截留銀六兩於雍正五年  
奉 文為敬陳管見等事案內裁草燈夫四名  
存留衙役三十三名每名歲支工食銀六兩共  
銀一百九十八兩內抽幫作作工食一名 門  
子二名每名歲支工食銀六兩共銀一十二兩  
皂隸八名每名歲支工食銀六兩共銀四十八  
兩馬快十六名每名歲支工食銀六兩共銀九



十六兩 轎傘扇夫七名每名歲支工食銀六兩共銀四十二兩

額設壯丁二十名於雍正七年閏七月內奉 文為欽奉

上諭事案內設立每名工食銀六兩共銀一百二十兩於雍正十三年七月內奉 文為遵

旨議奏事案內每壯丁一名加增銀二兩共計每年加增銀四十兩每名歲支銀八兩共銀一百六十兩於乾隆七年九月內奉 文為敬陳管見

開 縣 志

賦 役

五

事案內裁汰十名存留十名每名歲支工食銀八兩共銀八十兩

額設捕役二名於雍正十一年三月內奉 文為遵

旨據實奏明事案內設立每名歲支工食銀六兩共銀一十二兩

額設禁卒更夫於雍正九年五月內奉 文為知會案內添設禁卒八名更夫五名每名歲支工食銀六兩共銀七十八兩內抽幫成華二縣



禁卒工食銀三兩四錢八分一釐外實給禁卒  
工食共銀四十四兩五錢一分九釐更夫共銀  
三十兩

額設斗級二名倉夫二名於雍正十年十月內奉  
文為遵

旨詳議事案內設立每名歲支工食銀六兩共銀二  
十四兩

額設仵作一名於雍正八年為詳請通飭事案內  
設立每歲支工食銀一十二兩乾隆二年閏九

開縣志

賦役

二十六

月內奉文為命案就近相驗等事仵作一名  
每年給工食銀六兩跟隨學習仵作二名每年  
給工食銀三兩共該工食銀二十二兩乾隆三  
年奉文在快役工食內抽支

本縣典史一員歲額俸銀一十九兩五錢二分薪  
銀一十二兩於順治十三年十二月內奉文  
為錢糧入不敷出等事案內不必分柴薪總算  
給銀三十一兩五錢二分歲支養廉銀八十兩  
額設門皂馬夫六名每名歲支工食銀七兩二錢



於順治十三年十二月內奉 文為錢糧入不  
敷出等事案內每名裁留銀六兩共銀三十六  
兩內門子一名歲支工食銀六兩皂隸四名每  
名歲支工食銀六兩共銀二十四兩馬夫一名  
歲支工食銀六兩 共俸工銀六十七兩五錢  
二分

本縣教諭一員歲額俸銀三十一兩五錢二分於  
乾隆元年五月內奉 文為欽奉

上諭事案內以本年春季為始凡教職俱照各官品

開縣志

賦役

二十七

級給與全俸每歲支俸銀四十兩

額設衙役一十三名因錢糧不敷止量召募四名

每名歲支工食銀七兩二錢於順治十三年十

二月內奉 文為錢糧入不敷出等事案內每

名裁留銀六兩共銀二十四兩內門斗二名每

名歲支工食銀六兩共銀一十二兩膳夫二名

每名歲支工食銀六兩共銀一十二兩

本縣學廩生二十名原編每名歲支餼糧銀九兩

六錢遇閏加銀八錢共銀一百九十二兩遇閏



加銀一十六兩遵照康熙二十四年八月內奉  
文為

聖治當重熙等事案廩生餼糧請復三分之一每名  
歲支銀三兩二錢遇閏加銀二錢六分六釐六  
毫六絲六忽六微六塵四纖


以上祭祀俸工廩餼歲支共銀七百二十四兩五  
錢二分遇閏該銀共七百三十四兩八錢五分  
三釐三毫三絲三忽二微八塵於地丁銀內扣  
留支給支剩銀兩解貯

開縣志

賦役

二

司庫



145



# 興全圖

開縣志

開縣全圖




輿圖





開縣志

城池之圖



輿圖







開縣志

繪圖

三









文廟儒學圖

開縣志

繪圖

四






開縣志

繪圖

五





開縣志

鹽茶課稅

原額溫湯鎮鹽井一眼設竈一十五座煎鍋一十五口 每鍋一口權課銀二兩五錢每課銀一兩徵羨餘銀一錢二分 其應徵課銀三十七兩五錢羨餘銀四兩五錢

配銷陸引三百張 每引一張徵正稅銀二錢七分一釐四毫 每引一張徵羨餘銀一錢二分七釐六毫 共應徵正稅銀八十一兩七錢二

開縣志

鹽茶

分 共應徵羨餘銀三十八兩二錢八分 每張徵截角銀四分八釐 共應徵銀一十四兩四錢

本縣分認行銷雲陽縣水引一百二十一張 每張徵正稅銀三兩四錢零五釐共應徵銀四百一十二兩零五釐 每引一張應徵截角銀六錢共應徵銀七十二兩六錢

本縣分認行銷雲陽縣陸引五百六十四張 每張徵正稅銀二錢七分二釐四毫共應徵銀一



百五十三兩六錢三分三釐六毫 每引一張  
應徵截角銀四分八釐共應徵銀二十七兩七分二釐

以上共銷水引一百二十一張陸引八百六十四  
張水陸二引共九百八十五張每年應正稅銀  
六百四十七兩三錢五分八釐六毫截角羨餘  
銀一百五十六兩八錢五分二釐共徵課稅截  
角羨餘銀八百一十一兩二錢一分零六毫除  
截角羨餘銀兩扣留支給養廉并書巡工食不

開縣志

鹽茶

二

解外其每年課稅銀六百八十四兩八錢五分  
八釐六毫批解

鹽茶道庫上納 又雲陽水陸二引共六百八十  
五張應徵紙硃脚力銀共四兩七錢九分五釐  
另批解赴

道庫上納

茶課

本縣茶課原額代銷名山榮經二縣邊腹引張共  
徵課銀三兩每引一張徵課銀一錢二分五釐



代銷名山縣腹引一十一張每引一張徵正稅銀  
二錢五分其徵銀二兩七錢五分每引一張徵  
羨餘銀九分八釐共徵銀一兩零七分八釐  
每引一張徵截角銀一錢二分共徵銀一兩三  
錢二分

代銷榮經縣邊引一十三張每引一張徵正稅銀  
四錢七分二釐共徵銀六兩一錢三分六釐每  
引一張徵羨餘銀一錢二分四釐共徵銀一兩  
六錢一分二釐每引一張徵截角銀一錢四分

開縣志

鹽茶

三

二釐其徵銀一兩八錢四分六釐  
以上除羨餘截角扣留各官養廉備支外實解茶  
課稅銀一十一兩八錢八分六釐赴

道庫上納

扣留

一本縣知縣一員年支養廉銀六百兩 典史一  
員年支養廉銀八十兩 共六百八十兩在於  
地丁火耗三百四十三兩一錢五分九釐二毫  
一絲六忽二微九塵五纖六沙五渺又於鹽茶



課稅羨截銀一百六十兩四錢四分二共銀五百零三兩六錢內應扣除書巡四名歲給工食銀每名六兩共銀二十四兩 實存耗羨銀四百七十九兩六錢除盡支養廉外尚有不敷銀二百兩零四錢在於

變關稅銀內請領湊補



開縣志

倉儲

舊貯

一重農積粟等事案内貯倉斗穀三十九石八斗七升

一積貯天下本計等事案内貯倉斗穀一千六百四十石

一欽奉

上諭事案内貯倉斗穀二十二石二斗七升

開縣志

倉儲

一

一請停松潘等事案内貯倉斗穀四百石

一積貯原以備荒等事案内貯倉斗穀一十六

石二斗六升

一遵

旨詳議事案内買貯倉斗穀六千石

一欽奉

上諭事案内報捐俊秀五十三名共貯監穀九千四

百六十六石六斗六升六合六勺六抄

以上倉廩新舊共一十一座五十二間計貯倉穀



一萬七千八百八十五石零六升六合六勺六  
抄在縣署左偏

社穀一十六石二斗六升附貯倉內

開縣志

倉儲



開縣志

文廟祀典

正殿

至聖先師孔子

四配 東哲六位

西哲六位

東廡六十一位

西廡六十二位

祝文

至聖先師孔子曰維

先師德隆千聖道冠百王揭日月以常行自生民所

開縣志

祀典

一

未有屬

文教昌明之會正禮和樂節之時辟雍

鐘鼓咸恪薦於馨香泮水膠庠益致嚴於籩豆茲

當仲春祇率彝章肅展微忱聿將祀典以

復聖顏子

宗聖曾子

亞聖孟子配尚饗

春祭樂章 夾鐘為宮倍應鐘起調

迎神 咸平

大哉孔子 先覺先知 與天地參 萬世之師



祥徵麟<sup>按</sup> 韻答金絲 日月既揭 乾坤清夷

尺凡六五 尺上五六 凡六上五 尺上五五

五上凡六 凡上尺上 凡六尺五 凡六凡尺

初獻 寧平

予懷明德 玉振金聲 生民未有 展也大成

俎豆千古 春秋上丁 清酒既載 其香始升

尺凡六五 上凡尺上 六凡上五 凡六五六

五上尺五 六六五六 尺上凡尺 凡六凡尺

亞獻 安平

開縣志

祀典

式禮莫愆 升堂再獻 響協鼗鏞 誠孚蠡獻

肅肅雍雍 譽髦斯彥 禮陶樂淑 相觀而善

尺凡六五 上五凡尺 上五凡六 五上五尺

五五六六 凡尺上尺 上五凡六 五六凡尺

終獻 景平

自古在昔 先民有作 皮弁祭菜 於論思樂

惟天牖民 惟聖時若 叙 至今水鐸

尺凡五六 上五凡六 凡尺 上五六凡

五六尺五 凡上凡六 五五上尺 上五凡尺



徹饌 咸平

先師有言 祭則受福 四海饗宮 疇敢不肅

禮成告徹 毋疏毋瀆 樂所有生 中原有菽

尺凡六五 尺上尺五 凡尺五上 凡六凡尺

五上尺五 凡六凡尺 五上凡尺 五六凡尺

送神 咸平

息繹綦綦 洙泗洋洋 景行行止 流澤無疆

聿昭祀事 祀事孔明 化我烝民 育我膠庠

尺凡六五 上尺凡六 上五上五 尺六五六

開縣志

祀典

三

五上凡尺 尺上凡六 尺五尺上 凡六凡尺

秋祭樂章 南呂為宮仲呂起調

迎神 咸平

六乙上尺 六乙尺上 乙上凡尺 六凡尺尺

尺凡乙上 乙凡六凡 乙上六尺 乙上乙六

初獻 寧平

六乙上尺 凡乙六凡 上乙凡尺 乙上尺上

尺凡六尺 上上尺上 六凡乙六 乙上乙六

亞獻 安平



六乙上尺 乙尺乙六 凡尺乙上 尺凡尺六  
尺尺上上 乙六凡六 凡尺乙上 尺上凡六

終獻 景平

六乙尺上 凡尺乙上 尺尺乙六 乙尺上凡  
尺凡六尺 乙凡乙上 尺凡凡六 凡尺乙六

徹饌 咸平

六乙上尺 六凡六尺 乙六尺凡 乙上乙六  
尺凡六尺 乙仕乙六 尺凡乙六 尺上乙六

送神 咸平

開縣志

祀典

四

六乙上尺 尺六乙上 凡尺尺凡 尺六五六  
尺凡乙六 六凡乙上 六尺六尺 流澤無疆  
乙上乙上

孔子先代五王

崇聖祠正面五位

四配 東西從祀五位

祝文

肇聖王

裕聖王

詒聖王



昌聖王

啓聖王曰維

王奕葉鍾祥光開聖緒盛德之後積久彌昌凡聲教

所覃敷率循源而溯本宜肅明禋之典用申守土

之忱茲屆仲秋春聿能祀事祀以

秋

先賢顏氏

先賢曾氏

先賢孔氏

先賢孟孫氏尚饗

開縣志

祀典

五

關帝先代三公祝文

關帝之

曾祖光昭公

祖裕昌公

父成忠公曰維公世澤貽庥靈源積慶德能昌後

篤生神武之英善則歸親宜享尊榮之報列上公

之封爵

錫命優隆合三世以肇禋典章明備恭逢諏吉祇事

薦馨尚饗



關帝祝文

忠義神武關聖大帝曰維

帝浩氣凌霄丹心貫日扶正統而彰信義威震九州

完大節以篤忠貞名高三國神明如在徧祠宇

於寰區靈應丕胎薦馨香於歷代屢徵異蹟顯佑

羣生恭值嘉辰遵行祀典筵陳籩豆几奠牲醪尚

饗

賢良祠祝文

賢良之靈曰

開縣志

祀典

六

靈文武憲邦公忠體國當

皇朝之肇造心膂攸司值

列聖之丕承股肱作輔明良合德奮庸而庶績咸熙

中外宣猷敷澤而兆民永賴洵屬廟廊之碩望允

宜俎豆以明禋考績紀熙崇報昭垂於今典陳牲

奠幣馨香祇薦於歲時尚饗

忠義孝弟祠祝文

忠義孝弟之靈曰惟

靈稟賦貞純躬行篤實忠誠奮發貫金石而不渝義



問闕宜昭表鄉閭而共式祇事懋彝倫之大性摯我  
蒿克恭念天顯之親情殷棣萼模楷咸推夫懿德  
綸思特闡其幽光祠宇維隆歲時式祀用陳尊簋來  
格几筵尚饗

節孝祠祝文

節孝之靈曰維

靈純心皎潔令德柔嘉天志完貞全門中之亮節竭  
誠致敬彰閭內之芳型茹冰蘖而彌堅清操自勵  
奉盤匱而匪懈篤孝傳徽

開縣志

祀典

七



開縣志

祀典

先農壇在治東門外雍正二年奉文建立壇高二尺一寸寬長各二丈五尺四面石砌建造正房三間東西配房各一間門樓一座週圍繚以墻垣內藉田四畝八分每年收穫稻穀共七石三斗二升變價銀二兩一錢九分六釐以供次年祭祀之用外並無餘剩

農具 牛一隻 犁一把 耙一張 釘鋤一

開縣志

祀典

一

把 青箱一箇 穀種一斗五升

祭器 鋤一箇 豆四 簫四 簋四

每年仲春月侯 部頒吉期舉祀各官俱穿朝

服祭

先農之神禮畢各官俱換蟒袍補服正印官秉耒佐貳執青箱播種耆老一人牽牛農夫二人扶犁俱照九卿之例九推九返農夫終畝耕畢各官穿朝服耆老農夫望

行三跪九叩頭禮



附 部 頌 祝 文

先農之神曰維 神肇興稼穡粒我烝民頌思文之  
德克配彼大念率育之功常陳時夏茲當東作咸  
服先疇洪惟

九五之尊歲舉

三推之典恭膺守土敢忘勞民謹奉 彝章聿修祀事

惟願五風十雨嘉祥恒沭於 神庥庶幾九穗雙

歧上瑞頻書於大有尚 饗

先農神牌高二尺四寸寬六寸座高五寸寬九寸五

間 縣 志

祀 典

二

分紅牌金字寫 先農之神

社稷壇在東門外壇墀高二尺一寸橫直各二丈五

尺砌以磚石四出陛各三級繞以圍墻四門自北

門入去壇二尺五寸壇南正中埋石主露出圓尖

外置神牌二座其木主高寬尺寸一如先農制式

臨祭設於壇上祭畢藏之每歲春秋二仲上戊日

致祭用祭帛二俱黑色 祭品羊一豕一鉶一籩

四豆四簋各二

祝 文



縣社之神

縣稷之神曰維 神奠安九土粒食萬邦分五色以

表分圻育三農而蕃稼穡恭承守土肅展明禋時

屆仲春敬修祀典庶芄芄松栢鞏磐石於無疆翼

翼黍苗佐神倉於不匱尚 饗

風雲雷雨山川城隍壇在西門外壇墀牌主悉如社

稷之制設三神位每歲春秋二仲上旬擇日同壇

向北致祭風雲雷雨居中用帛四山川居左用帛

二城隍居右用帛一俱白色祭器祭品與社稷同

開縣志

祀典

三

祝文

風雲雷雨之神

山川之神

城隍之神曰維 神贊襄天澤福祐蒼黎佐靈化以

流形生成永賴乘噫氣而鼓盪溫肅攸宜磅礴高

深長保安貞之吉憑依鞏固實資捍禦之功幸民

裕之殷盈仰 神明之庇護恭修歲祀正值良辰

敬潔豆籩祗陳牲幣尚 饗

邑厲壇在東門外北地建 置壇基每歲清明日七月



十五日十月初一日三次舉祭先期城隍焚告文  
祭設城隍牌位於壇上設無祀鬼神牌位於壇下  
行一跪三叩禮詣城隍神位三獻酒讀祭文再行  
一跪三叩禮焚化文錢



開縣志

職官

國朝知縣

徐志尹 湖廣人順治十一年任

羅三才 湖廣舉人順治十八年任

盧天樞 湖廣進士康熙六年任

鄆岳壽 江西舉人康熙十二年任

吳應札 湖廣例監康熙十九年任

王景舜 正白旗監生康熙二十一年任

開縣志

職官

甄承嗣 直隸進士康熙二十八年任

王永驥 江南監生康熙三十一年任

傅澤浩 鑲黃旗監生康熙四十一年任

孫紹曾 浙江舉人康熙四十九年任

郭孝穆 陝西監生康熙五十四年任

朱岳楷 江南監生康熙六十一年任

張景穆 浙江監生雍正八年任

沈震世 浙江舉人雍正九年任

沈士春 湖南湘鄉辛酉舉人乾隆四年任



秦有年 廣西臨桂丁酉舉人 乾隆五年任  
胡邦盛 浙江湯溪丙辰進士 乾隆八年任

國朝訓導

趙國奇 渠縣貢

范其英 鄆縣貢

蕭韶 馬湖府貢

向敬南 簡州貢

馮副昌 遂寧貢

賀元亮 遂寧貢

開縣志

職官

國朝教諭

田建極 嘉定州副榜

張鳳翼 鄆縣舉人

官儼 榮縣副榜 雍正七年六月任

楊汝梅 巴縣 康熙甲午副榜 雍正十年八月任



國朝典史

湯有慶 直隸人 康熙二年任

楊曾光 陝西人 康熙六年任

王金佩 直隸人 康熙十二年任

杜如松 江西人 康熙二十年任

游廷試 浙江人 康熙二十三年任

李子瑞 趙州人 康熙二十五年任

劉萬元 通州人 康熙三十二年任

鄭遵儀 陝西人 康熙三十七年任

開縣志

職官

三

屠震極 浙江人 康熙四十三年任

劉瑞 直隸人 康熙五十二年任

魯英 浙江人 康熙五十三年任

顧法坤 浙江人 康熙五十七年任

李滋 湖廣人 雍正十年任

婁晟 浙江人

沈畿 順天籍 紹興



開縣志

武備

把總一員

外委一員

分防縣汛由夔州協鎮派委帶領馬步戰守兵

丁八十名向無弁署寄居武廟外委一員分守

駐扎臨江市亦無弁署寓於武廟

開縣志

武備



開縣志

名宦

唐韋處厚字德載萬年人舉賢良方正歷考功員外郎出為開州刺史誠心卹民守開三年穆宗即位擢翰林侍講召入講關雎洪範大義優詔答之賜以金紫江王繼統是為文宗拜公中書侍郎同中書門下平章事先是巴山有高僧清公能前知處厚出守開州往問還期清公曰一年半載一年半載又問官何

開縣志

名宦

止境曰宰相須從江邊得處厚果守開三年乃還文公有江潞踐阼命公作相俱符清公之言

溫造祁縣人穆宗時為侍御史李祐為左金吾將軍進馬百五十匹造奏祐違勅進奉請論如法詔釋之祐退謂人曰吾夜半入蔡州城取吳元濟未嘗心動今日膽落於溫御史矣敬宗初貶開州司馬性剛斷能體悉民隱士民慕之



柳公綽字子寬京兆人幼孝友性質嚴重起  
居皆有禮法後舉賢良方正直言極諫補校  
書郎授渭南尉累遷開州刺史地接夷落寇  
嘗逼其城吏曰兵刃不能制願以石職署渠  
帥公綽曰若同惡耶何可撓法寇亦去遷侍  
御史吏部員外郎

宋甲錫文宗時同平章事上與申錫謀誅宦官  
事泄王守澄等誣申錫謀立漳王貶開州司  
馬在開有濟人利物之政後卒於貶所時論

開

縣志

名宦

二

惜之

楊汝士北京人長慶元年禮部侍郎錢徽知  
貢舉汝士弟殿士中式先是元禎與中書舍  
人李宗閔爭進有隙宗閔媚蘓策亦及第禎  
因言禮部所取皆以關節遂貶錢徽宗閔遠  
州刺史汝士為開江令

五代慕容章太原人為開州刺史才能超卓子  
延釗輔宋太祖有功封章河南郡王

宋劉萬源嘉祐中為開州萬歲令溪有灘舟楫愚



之源盡力疏鑿石解流通民號曰開江長官  
立祠祀焉

王正輔紹熙初為開州刺史有善政碑

陳公璟慶元初為開州刺史思威並著民思  
之嘗立懷古堂以思昔賢

虞公著知開州有盜數千至境人咸震懼著  
不為動徐遣兵禦之又募茶商三百餘人力  
拒賊敗走

元趙壽開州刺史張叔向贊云安邦器局峙玉

開縣志

名宦

三

精神隱若峴山遺愛惟肖傳巖中人

明王勳崑山人之開縣當國初庶務未備乃撫  
字土著安集流移建學校以養士置壇壝以  
祀神時稱賢令

邱瑩麻城人弘治三年知開縣自榜其門曰  
愛百姓如子貪一錢非官卒如其言

璩鎮海常山人開縣典史惠愛得民陞知縣  
去日邑人泣送於道

楊文平越人正德中開縣訓導攝縣事時鄙



藍賊猖獗薄城文率眾力拒城賴以全  
趙河太原人正德中知開縣值鄆藍賊為亂  
勢危卒賴經營無事賊平即致仕百姓思之  
不忘

余裕湖廣應城人為縣尹練達世故博洽羣  
書雖值垂老猶勤不倦

孟鐸任主簿性資質樸御下以寬值流賊猖  
獗人亦繼運乃能以恩撫眾民不知擾國事  
亦濟卒於木廠邑人悲之

開

縣志

名宦

四

李甲寶鷄人萬曆十二年知開縣愛民課士  
操守清廉考滿行取主事歷陞山西冀北道  
功著巖疆後棄官養母部咨有移孝作忠之  
稱崇禎七年從祀名宦

李用中朝邑人萬曆二十年知開縣慈惠及  
民刑清政簡後行取臨行攀轅載道

周九齡湖廣五開衛人萬曆三十一年知開  
縣才能卓絕操守清正蒞任五年始終一轍  
陞任之日百姓泣逆不舍



余有執江陵人萬曆二十六年知開縣聽政  
明敏課士諄誠以丁艱歸補知鄆縣陞別駕  
羣情有職不稱才之歎

郭諶益陽人萬曆四十四年知開縣清勤蒞  
政修建學宮時徇賊猖狂率兵往禦賊衆  
潰散歲值旱捐資賑濟施藥調治後以老乞  
休士民鐫去思永譽二碑從祀名宦

論曰開於唐為州若韋平章溫侍御柳左  
丞皆卓然名卿也申錫汝士各以賤至其

開縣志

名宦

五

賢足稱云劉源之開灘虞公著之禦寇王  
勲之創建楊文之保障咸有功於時著之

國朝非以示型範哉

國朝

郭孝穆陝西長安人康熙五十四年知開縣  
加意學校設立義館延師訓士每遇賓興尤  
力為獎勵後丁艱歸士民感德追思不忘



開縣志

人物

汪潮<sup>瀚</sup>成化庚子舉人辛丑進士初知河南修武  
 縣蒞政廉勤愛民如子歲旱設賑民賴全活以  
 憂去父老泣留服闋補扶溝縣尋擢太僕寺丞  
 三載考滿上賜勅褒之曰巡行州縣馬課不虧  
 閱歷歲年官評斯著以疾告休進階光祿寺少  
 卿致仕

嚴琥永樂癸卯舉人任廣東高州府同知時石

開縣志

人物

城信宜二縣大饑民多流徙琥乃捐俸賑濟化  
 州吳州等處歲辦礦鐵民苦賠累無敢言者琥  
 力請停止民歌曰活我嚴父生我慈母以疾歸  
 民泣送之

汪安宅少卿瀚之次子讀書好古不求聞達鄙  
 蓋賊攻城安宅率鄉兵禦之有別室在城外賊  
 欲乘以攻城安宅發火箭焚其室連燒賊營圍  
 遂解時稱為義士

論曰汪允祿慥慥君子也其教家嚴肅有萬



石君風故其世多賢喬云嚴公之減稅溥專志  
是循吏也竝著之嗟乎開自韋唐諸公以文  
興教乃其鄉雋落落千載後僅一二見焉才  
難不其然哉

開

縣

志

人物

二



開縣志

科第

陳子哲 永樂戊子科舉人

陳彥通 永樂辛卯科舉人

彭遠 永樂甲午科舉人

向學 永樂甲午科舉人

黎復 永樂庚子科舉人

周福 成化癸卯科舉人

汪瀚 成化庚子科舉人

開縣志

科第

嚴琥 成化癸卯科舉人

熊以中 嘉靖辛卯科舉人

汪朮 嘉靖丙午科舉人

熊士印

高射斗

何綸

王賓產 上俱萬曆年舉人

彭喬年 崇禎年舉人

王賓旦 崇禎乙卯科舉人



國朝武舉

鄔興元康熙戊子科

開

縣

志

科第

二



開縣志

貢士

孫和 柳州同知

吳義 桂東知縣

譚源 交趾古風知縣

黎子才 安慶經歷

徐友 訓導

陳麟 訓導

羅文 訓導

開縣志

貢士

曾俊 湘潭主簿

鄧鐸

熊英 訓導

譚松

王恩

向善

曾政

謝英

魏常



魏謹

向森

陳彬

熊邦祥 主簿

曾宣

李裕 平涼訓導

王綬 平越教授

嚴訓

吳天祿

開縣志

貢士

二

姜繼望 龍陽縣丞

黎獻 富州吏目

徐堂

向儒

魏廷相

黎宣

李新 教諭

汪安泰 無錫縣丞

徐從益 湘鄉主簿



謝璧

徐順卿

寇中 紹陽主簿

胡天祿 衡山主簿

向彬 霑化主簿

冉麟 照磨

祝銘 監利教諭

鄧秋潭 監利訓導

王政 鶴慶推官

開縣志

貢士

黎守信 南京主事

譚遜 克州通判

向質 太安知縣

陳義 繁昌主簿

彭彬 通州經歷

聞義 溫州知事

杙贊 松江知縣

徐正

何濟



開

縣

志

貢士

李敏 吏目

聶成 吏目

王紀 理問

葉貴 提舉

李鵬 吏目

康貴 知事

鄭廉 吏目

何璋 主簿

徐成

馮昌 縣丞

龔元 訓導

嚴旻 歸州判官

李仁 金齒經歷

周禮 瑞昌訓導

張憲 訓導

徐時用 石首縣丞

蔣應奎 訓道

江完 臨安照磨



王尚賓 黃岡主簿

王樸

曾富 訓導

汪霖 宣城主簿

魏廷甫 長沙訓導

傅忠 訓導

姜似 訓導

李藻

彭珉 訓導

開縣志

貢士

王加表 枝江訓導

盧尚謨 漢陽訓導

嚴漢節 訓導

鄧盛朝

向鎬

曾廷印 訓導

徐式

向夔 訓導

徐上 教諭



向芬 訓導

熊涵

汪槩

黎暉

徐藻

唐文叙

范永年

國朝

潘飛熊 南匯縣丞

開縣志

貢士

陳萬錫 安岳訓導

余成中 丙江教諭

范藻 資揚訓導

向相禹

王大夏

陳堯道

熊飛熊

萬永年

趙繼三 長壽教諭



楊作棟 大足訓導

范如蘭 永寧教諭

傅性

楊茂 河南鄭州吏目

傅克明

田生芝

向南斗

桂芳元

張永言

開縣志

曾貫一

王廷珪

桂開榜

李連城

熊鍾瑞

余濬

徐堪

向先哲

向伋 并研訓導

貢士



甘調元

余君藩

曾作礪

謝廷玟

熊鍾淫

余浩

徐仔

曾曰唯

范光天

開縣志

蒲玉衡

貢士

八



開縣志

忠義

韓 明開州守將元兵破開州軍潰散明父子  
猶率部兵巷戰力屈被執死之

李 清正德中流賊壓境委守險隘賊間出黃  
土增增清知其狀要擊斬之事聞授武寧巡檢司  
陳秉元正德七年鄆藍賊為亂揚言欲奪臨江  
市秉元倡率義兵二千有奇追至富順三母灘  
奮勇當鋒賊眾辟易授兵不繼力戰死之鄉人

開縣志

忠義

一

義而祀焉

向 書赴京渡黃河拾一囊內有巫山舉人王  
翱咨文銀兩因前追翱告之翱泣曰吾但得文  
引失金二百兩悉可相酬書不受竟盡數還之  
而去

徐 沔臨江里人為邑吏時賊叛邑今奉理戰  
事獲餘黨數十人應誅沔請曰豈可惜片晷而  
枉數十人性命乎請再鞠果止真賊八人餘皆  
釋去眾步拜泣歸



開縣志

孝友

江霖字悅之汪瀚從孫為邑弟子員素以孝聞母唐氏病篤霖嘗糞驗病母卒痛自哀毀殯葬盡禮人稱其孝

汪果盛山里人汪安宅之子性淳謹事母至孝母年八十餘患筋骨病卧十旬弗起果日夜憂念夢一道士曰爾母血衰須親子乳血和當歸地黃服之可愈果驚醒自喜遂割左乳得血

開縣志

孝友

一

半盞付弟朮如夢為丸奉母一服筋骨和暢數日前疴頓痊果乳亦平復鄉人咸稱為孝子徐二陽事母至孝家貧每食必親奉菽水後家稍裕晨昏定省甘旨惟其所適母沒廬墓三載不衰學博行優當道題其匾曰孝子之門蔣應奎由貢官西鄉訓導奎弟早亡遺三幼姪皆奎撫養成立備禮婚配凡祖遺田地憐姪無父而盡讓與之另置業以安己子鄉人咸嚴其義焉



謝 晟臨江下里人幼讀書不干名利鄉里有  
饑寒卽行周卹閭里莫不感慕

李 寄臨江上里人宅傍有河洞高一丈八尺  
兄涉河上流為勇水衝倒寄聞往救人河內弟  
兄相抱知勢不可支厲聲呼曰吾弟兄同死矣  
湏臾衝流洞下後獲屍沙中兄弟猶然挽抱邑  
令以事報憲旌曰舍生取義並旌其兄曰愛能  
感弟

開

縣志

孝友

二



開縣志

武畧

曾 顓膂力過人機智敏捷時鄆藍賊叛顓率  
衆禦之身先士卒屢破賊鋒擒獲首惡巡按保  
奏世襲重慶衛所千戶

國朝

范應元浦里人由功將歷陞浙江督標左都督  
管中軍副將事陝西涼州城守都司

開縣志

武畧



開縣志

貞烈

汪氏適庠生熊飛生二子年二十有八飛卒撫孤守節邑人賢之

何氏秦昂妻年二十八守節子翰才甫二歲族人欲滅孤利產逼嫁之何誓死無二後翰才弱冠遊於庠何將終戒其子曰我教汝艱辛汝當勉之聞者感惜

陳氏年十八適里民周倫倫早卒陳年二十

開縣志

貞烈

一

有四子禮年三歲孀居端潔養姑克孝教子禮膺歲薦官瑞昌府訓導因思母老無依乞歸養陳年八十有七而卒

陳氏甘某妻年十七守節家貧舅姑欲奪其志陳假歸寧渡官潭投水溺死及得屍佛珠猶在額下合掌跏趺端然而逝遠近聞之莫不敬歎

姚氏臨江下里人游治妻治卒年二十撫子文邈膺歲薦天啓二年通庠舉節按院褒云教



子克追孟母守節無媿其姜歲給粟帛年八十卒

鄭氏西里人向藩妻年十九守節治家克勤教子以正年八十乃卒人敬慕之通庠舉其節兩臺批曰青年守節白首令終可會良人於地下矣

汪氏汪安宅季女也事父母甚孝父將許聘女曰父年老矣女願依父母以老父母察其志決從之安意孝養老於閨中獨處一室凜然正

開

縣志

貞烈

二

潔待果朮二弟友愛卒年八十有五

論曰女子生而願為之有家父母之心人皆有之今汪氏願依老親終身不字矢磴磴之志而廢人之大倫是豈可為訓哉但其事親克孝待弟能友或亦天性之固結於不可解乎君子善善欲長姑存之



開縣志

隱逸

唐常徵君隱居開州永泰元年秋杜少陵自忠州至雲安徵君往訪之杜有別徵君詩云兒扶猶杖策卧病一秋強白髮少新洗寒衣寬總長故人憂見父此別淚相忘各逐萍流轉來書細作行又寄之詩云開州入夏知涼冷不似雲安毒熱新故知徵君開人也

覃山人大曆中君夔杜少陵題其隱居詩有北

開

縣志

隱逸

一

山移文誰勒銘悵望秋天虛翠屏之句則知山人非終於隱者



開縣志

馳封

明汪中以子瀚貴贈南京太僕寺丞

勅曰教子以忠必使之効勞於國勸臣以孝必為之致寵於親業光於前恩從其厚爾義官汪中乃南京太僕寺丞汪瀚之父天性淳良人稱孝友居鄉好義已沾冠服之榮教子成名克振詩書之業祿養既遺於三釜封章宜貴於九泉茲贈為承德郎南京太僕寺丞靈爽有知欽承無

開縣志

馳封

一

數

國朝

余文升以子成中貴贈四川成都府內江縣儒

學教諭

制曰任使需才稱職志在官之美馳驅奏效報功膺錫類之仁爾余文升乃四川成都府內江縣儒學教諭余成中之父雅尚素風常迎善氣弓冶克勤於庭訓箕裘丕裕夫家聲茲以覃恩馳贈爾為修職郎四川成都府內江縣儒學教諭



錫之勅命於戲肇顯揚之盛事國典非私酬燕翼之深情臣心彌缺一字

制曰奉職無愆懋著勤勞之績致身有自宜酬鞠育之恩爾四川成都府內江縣儒學教諭余成中之母曾氏淑範宜家令儀昌後早相夫而教子俾移孝以作忠茲以覃思貤贈爾為八品孺人於戲賁象服之瑞嚴誕膺鉅典錫龍章之渙汗永播徽音

楊芳以子作棟賁贈四川重慶府大足縣訓導

開

縣志

貤封

二

制曰設官分職昭器使之無遺錫類施仁嘉蒙恩於伊始爾楊芳乃四川重慶府大足縣訓導楊作棟之父秉心醇樸飭行端方教誨懷式穀之勤政事本貽謀之善茲以覃思貤贈爾為登仕郎四川重慶府大足縣訓導錫之勅命於願一命得以逮親遂膺曠典庶政期於稱職永荷榮光

制曰登皇路以馳驅忠原本考入庭闈而侍奉嚴心兼慈爾四川重慶府大足縣訓導楊作棟之



母廖氏性本和柔飭衿繫於閨內教惟勤慎紆  
章服於庭前茲以覃恩勲贈爾為九品孺人於  
戲所親邀優渥之恩勉圖懋績有子效靖共之  
誼宜播芳徽



開縣志

物產

斑竹 慈竹 蜂蜜 黃蠟 漆 紵麻

棉花 機布 靛 白藥 茶 鹽

花椒 杏 桃 梅 李 柑 橘 梨

鹿 麂 山雞 鴉 畫眉 黃雀 鷹

狐狸 豹 熊 杉 栢 松 青岡

白楊 黃栢 土連 青魚 白魚 鯉魚

鰱花魚 黃鱔 芡苡實



開縣志

藝文

韓愈盛山十二景詩序

韋侯昔以考功副郎守盛山人謂韋侯美士考  
 功顯曹盛山僻郡奪其所宜處納之惡地以枉  
 其才韋將怨且不釋矣或曰不然夫得利則躍  
 躍以喜不利則戚戚以泣若不可生者豈韋侯  
 謂哉韋侯讀藝之文以探周公孔子之意又妙  
 能為亂章可謂儒者夫儒者之於患難苟非其

開縣志

藝文

一

自取之其拒而不受於懷也若築河堤以障屋  
 雷其容而消之也若水之於海冰之於夏日其  
 玩而忘以文亂也若奏金石以破蟋蟀之鳴虫  
 飛之聲况一不快於考功盛山之間哉未幾果  
 有以韋侯所為十二詩遺奈考其意方曰以入  
 谿谷上岩石追逐雲月不足日為事讀而咏歌  
 之令人欲棄百事往而與之遊不知出於巴東  
 以屬胸臆也于時應而和者凡十人及比年韋  
 侯為中書舍人侍講六經禁中和者通州元司



馬為宰相洋州許使君為京兆忠州白使君為  
中書舍人李使君為諫議大夫黔府嚴中丞為  
祕書監溫司馬為起居舍人皆集闕下於是盛  
山十二景詩與其和者大行於時聯為大卷家  
有之焉慕而為者將日益多則分為別卷韋侯  
俾余題其首

韋處厚盛山十二景

宿雲亭

雨合飛危砌天開捲曉窓霽平連郭柳帶遠抱

開縣志

藝文

二

城江

隱月山

初映鈎如線終啣鏡似鈎遠澄秋水色高倚晚

江流

流盃池

緞曲雲飛箭浮溝泛滿危將來山太守莫向習  
家池

琵琶臺

褊地堆層疊因巖遂削成淺深嵐障色臺向此



中星

盤石蹬

繚繞線雲上玲瓏梵玉聯高高層幾攝極日皎

秋烟

葫蘆沼

疏鑿徒為巧圓厓自可澄倒花紛錯繡鑑月靜

涵冰

繡衣石

巖嶢雪中嶠磊落標方峭勿謂枕蒼山還當礎

開

縣志

藝文

三

清廟

瓶泉井

綆汲豈無井顛巖愧深浚願洗塵垢餘一雨根

莖潤

梅溪

夾崖凝輕素高枝漾逸淪味調方薦實臘近又

先春

桃塢

噴日舒紅錦通園茂綠陰終期王母摘不羨武



陵深

茶嶺

顧渚吳商絕蒙山蜀信稀千叢因此始含露紫

英肥

竹厓

不資冬日透為作暑天寒先集誠非鳳來翔定是鸞

張藉梅溪絕句

自愛青山好行尋一徑科不教人掃石恐損落

開

縣志

藝文

四

來花

遊大覺寺

林元鳳

策馬尋幽勝全繩覺路開巖花烘曉日雲樹布青苔寺古碑留誌香深篆漸灰通天還有徑直

上碧霄臺

題飛翠亭

林元鳳

嶒磴迂迴最上巔亭名飛翠足留連盛山雨洗看圖畫古木風調聽管絃百里桑麻環雉堞一江舟楫拜神仙晚來更有無窮趣燈射人疑星



斗懸

漢豐八景

盛山積翠

胡邦盛

淑氣藹晴光翠微凝玳瑁嶺分巫峽雲泉擬匡  
廬瀑江浪映朝暎村煙逗曲墀象形奪盛字疑  
是鍾王造

州面列屏

天生水墨屏磊落誰為甃紅雨浸瑠璃青苔鋪  
錦繡雲開崖谷明風起松門吼圖畫展遙空煙

開縣志

藝文

五

霞千古秀

熊耳曉雲

露薄曙光寒絲雲初鬢隸祥呈景慶文瑞繞休  
明代出岫若無心友風却擁態萋萋有滄歌甘  
雨看滋漑

迎仙夕照

斜暉半有無點綴葱蘢樹峻嶺爍黃金碧崖浮  
彩璐臨風鳳羽騫映水驪珠吐既夕影參差牧  
童譁薄暮



蓮池睡佛

盛山影照蓮池中似佛睡狀

故

綠水漾新荷山光搖玉井依然激灩中宛似瞿  
曇影波動錫疑飛月明禪自靜一泓冰鑑空天  
外香風永

仙鏡凝輝

城南山巔有大石光亮照人相傳為仙女鏡

玉女試新粧留得銀華鏡照乘似珠明寫形同  
水淨綠垂螺黛偏紅綻花容正皎潔月光圓素  
娥相掩映

清江漁唱

藝文

開

縣志

六

江渚抱城隅漁人此信宿長吟過曉雲高唱窮  
幽谷樂與眾人同聲隨流水速竹枝歌未終款  
乃相馳逐

瑞石凌霄

一峰聳峙上有瑞石故名

飛來華頂峯突兀懸崖立中有昆吾藏還餘鵲  
印迹光輝射斗牛照耀聯奎壁不羨林泉幽終  
期作柱石

盛山積翠

林元鳳

霞采入菁葱瑯玕嵌玳瑁黃金噴澗日簾水瀉



主瀑載酒撥龍蛇信杖看山墮  
戈鋌儼逼真形亦誰能造

州面列屏

翠啓畫屏開雲橫似玉甃煙嵐信石攤霞采摹  
天繡日影花中節濤聲松裏吼化工潑墨奇圖  
得丹青秀

熊耳曉雲

曙色逗山阿浮光縈靉隸和雨認陽臺若煙昭  
聖代傍馬動行嗟舞衣偏作態留得與山僧補

開

縣志

藝文

七

袖無須漑

迎仙夕照

落日向崦嵫流輝金爍樹晚風酣遊人野水疑  
佩璐遠岫待雲歸高峰候月吐微茫隱現中刻  
畫秋山暮

蓮池睡佛

半畝自天開悠悠出浪井俯鏡緬真容高眠成  
幻影袈裟水底披色相空中靜蓮座嬾叅禪悟  
徹源頭永



仙鏡凝輝

石髮挽晨風雲鬟梳曉鏡花簪綽約嬌雨拭濯  
磨淨俯瞰吐晶瑩仰瞻辨邪正山雞舞見猜繡  
錯渾相映

清江漁唱

擊楫清流中歌聲驚水宿隨風散江濱餘響鳴  
山谷夜靜玉樓寒月明橫槩速陽春為和難巴  
里且徵逐

瑞石凌霄

開縣志

藝文

一片仰凌霄整冠拜獨立日燃雲自升筍接天  
無迹遮莫載蓬瀛還疑貢靈璧他時攻錯中唯  
此韓陵石

盛山積翠

雨潤留青黛晴暄展畫圖輞川誇應接莫謂此  
中無

州面列屏

百二圖中景移來石上奇無勞鉛槧力華采自  
紛披



熊耳曉雲

扶桑初照處縹緲湧奇峰聚合非膚寸知為採

藥封

迎仙夕照

芳靄舒迴薄翻江石壁明朱衣人去後一抹暮

山橫

蓮池睡佛

倒影清泓裏津梁亦已疲聿於拈笑悟四大得

空時

開縣志

藝文

九

仙鏡凝輝

窺粧人已杳皎潔復生菱刺有規天象雲霞日

蔚蒸

清江漁唱

激灩滄浪水烟波一志和夷猶相互答揭厲聽

長歌

瑞有凌霄

深受巨靈臂摩空一柱生風雲長際會建中掌

中擎



館員 初校